

Mahathir seru pengurusan ladang adakan skim rumah

SG. SIPUT, Ahod

TIMBALAN Perdana Menteri, Datuk Seri Dr. Mahathir Mohamad hari ini menyeru pihak pengurusan ladang di negara ini mengadakan skim perumahan untuk pekerja.

Katanya, tidaklah menjadi satu masalah besar bagi estet-estet yang mempunyai beribu-ribu ekar tanah untuk mengeneipkan beberapa puluh ekar bagi skim kebajikan pekerja-pekerjanya.

Bellau berkata demikian ketika merasmikan Dewan Tun V. T. Sambanthan dan Skim Perumahan S. Ramasamy di Estet Dovenby di sini pagi ini.

Datuk Seri Dr. Mahathir berkata, berbanding dengan pekerja-pekerja di negara-negara lain, pekerja-pekerja di sini lebih mewah serta menikmati keadaan sosio-ekonomi yang lebih baik.

Keadaan keamanan negara memberi kemudahan kepada pekerja-pekerja kita mendapatkan mata pencarian mereka, kata bellau.

"Saya percaya kita mempunyai banyak potensi untuk pembangunan dan kemajuan di Malaysia, termasuk dalam sektor ladang," tegasnya.

Datuk Sany Vellu pula menyesali kekurangan kemajuan perumahan untuk pekerja-pekerja estet walaupun banyak publisiti mengenainya.

Bellau mengesyorkan Kerajaan mengadakan pasukan petugas supaya satu skim perumahan ditubuhkan berasingan untuk pekerja-pekerja estet.

Presiden Persatuan Pekerja Ladang (NUPW), Encik Ahmad Tunggal berkata, persatuannya berharap semua Kerajaan Negeri menolong serta menggalakan estet-estet lain mendirikan rumah-rumah untuk pekerja.

Langkah tersebut boleh mengurangkan masalah kekurangan buruh dalam negeri, katanya.

Setiausaha Agung NUPW, Encik P.P. Narayanan berkata, NUPW mengalu-alukan semangat kerjasama dan tidak berkonfrontasi antara pekerja, majikan dan pihak Kerajaan.

Skim perumahan Dovenby — mengandungi 108 unit rumah berkembar tiga bilik, tiap-tiap satu berharga \$14,000 — dinamakan mengikut bekas Timbalan-Presiden NUPW, Encik S. Ramasamy yang telah menggalakan skim tersebut semasa bellau menjadi pengurus estet dalam tahun 1976.

Skim itu diusahakan oleh Gatco, bahagian perdagangan persatuan itu.

Bahan asal dari Arkib
Negara Malaysia

No. Siri 11, 246
No. Penerimaan 3059